

საქართველოს ნავთობისა და გაზის კორპორაცია



სატენდერო დოკუმენტაცია

"საგურამო-ნავთლუღის" მაგისტრალური გაზსადენის 20-50კმ-ზე
დამატებითი სამუშაოები.
CPV 45231221

გრუნტის მოჭრა-გატანა და მისასვლელი გზის მოწყობა

სარჩევი

1. ინფორმაცია ტენდერში მონაწილეთათვის
2. ტენდერის პირობები
3. ტექნიკური დავალება
4. პრეტენდენტის მიერ სისტემაში ასატვირთი ინფორმაცია
- 5 სახელმწიფო შესყიდვების შესახებ ხელშეკრულების (კონტრაქტის) პროექტი
6. დანართი №1 - რეკვიზიტების ფორმა
7. დანართი №2 - სატენდერო წინადადება (ხარჯთაღრიცხვა)
8. დანართი №3 - ხელშეკრულების უზრუნველყოფის საბანკო გარანტიის ფორმა

1. ინფორმაცია ტენდერში მონაწილეთათვის

სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვის პროცედურების განხორციელების საფუძველია საქართველოს კანონი „სახელმწიფო შესყიდვების შესახებ“ (შემდგომში - კანონი) და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“, დამტკიცებული სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით, იხ. საიტი <http://procurement.gov.ge>

- სატენდერო წინადადება უნდა მოქმედებდეს მისი სისტემაში ატვირთვის დღიდან არანაკლებ 60 კალენდარული დღის განმავლობაში;
- ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება მინიმუმ 60 კალენდარული დღით, ტენდერისათვის სტატუსის – „წინადადების მიღება დაწყებულია“ მინიჭების ეტაპიდან;
- წინასწარი გადახდა წარმოებს უპირობო და გამოუთხოვადი საბანკო გარანტიის წარმოდგენის საფუძველზე, რომლის მაქსიმალური ოდენობა იქნება ხელშეკრულების ჯამური ღირებულების არაუმეტეს 20%-სა (ოცი პროცენტისა), ხოლო მისი მოქმედების ვადა 30 დღით უნდა აღემატებოდეს ხელშეკრულებით გათვალისწინებული ობიექტის მიწოდების მიღება-ჩაბარების თარიღს;
- პრეტენდენტს არა აქვს უფლება წარმოადგინოს ალტერნატიული წინადადება.

2. ტენდერის პირობები

2.1. საკვალიფიკაციო მონაცემების დამადასტურებელი დოკუმენტები

შერჩეულმა პრეტენდენტმა შემსყიდველს უნდა წარუდგინოს შემდეგი დოკუმენტაცია:

იურიდიული პირებისათვის:

- ცნობა საჯარო რეესტრის ეროვნული სააგენტოდან, რომ პრეტენდენტის ქონებაზე არ არსებობს საჯაროსამართლებრივი შეზღუდვა;
- ამონაწერი მეწარმეთა და არასამეწარმეო (არაკომერციულ) იურიდიულ პირთა რეესტრიდან;

ფიზიკური პირებისათვის:

- ცნობა სასამართლოდან, რომ სასამართლოს მიერ მას მთლიანად ან ნაწილობრივ არ აქვს შეზღუდული ქმედუნარიანობა;

შენიშვნა:

- არარეზიდენტმა ფიზიკურმა და იურიდიულმა პირებმა უნდა წარმოადგინონ თავიანთი ქვეყნის შესაბამისად უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.
- პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის მეშვეობით, შემდგომში (ხელშეკრულების დადებამდე) მათი დედნების წარმოდგენით. საკვალიფიკაციო მონაცემების დამადასტურებელი დოკუმენტები უნდა იყოს გაცემული ტენდერის სტატუსის „ტენდერი გამოცხადებულია“ გამოცხადების თარიღის შემდგომ პერიოდში. პრეტენდენტის მიერ საკვალიფიკაციო მონაცემების წარმოუდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.
- დღგ-ს არგადამხდელმა ფიზიკურმა ან იურიდიულმა პირმა უნდა წარმოადგინოს ცნობა საგადასახადო ორგანოდან, რომ იგი არ არის დღგ-ს გადამხდელი;

2.2 სამუშაოს შესრულების სავალდებულო ვადები და პირობები:

- ხელშეკრულების გაფორმებიდან 75 კალენდარული დღის განმავლობაში
- ადგილი: იხილე ტექნიკური დავალება
- სამუშაოების მოცულობა, მოყვანილია ტექნიკურ დავალებაში და შესაძლებელია შეიცვალოს (გაიზარდოს ან შემცირდეს) სამუშაოების წარმოების პერიოდში;

2.3. ანგარიშსწორების პირობები:

1. კონტრაქტის გაფორმების შემდეგ, კორპორაცია ტენდერში გამარჯვებულს წინასწარ, ავანსის სახით, გადაუხდის კონტრაქტის საერთო ღირებულების არაუმეტეს 20%-ს (ოცი პროცენტი) კონტრაქტორის მიერ შესაბამისი ღირებულების უპირობო და გამოუთხოვადი საბანკო გარანტიის საფუძველზე, რომელიც ძალაში იქნება კონტრაქტით ნაკისრი ვალდებულებების სრულად შესრულებამდე.
2. კონტრაქტის საერთო ღირებულების დარჩენილი ნაწილი 80%-ს (ოთხმოცი პროცენტი) კონტრაქტორს აუნაზღაურდება ეტაპობრივად, ყოველთვიურად შესრულებული სამუშაოების (ფორმა №2) ღირებულებაზე 20%-ის გამოკლებით.
3. ანგარიშსწორება კონტრაქტორთან წარმოებს ხელშეკრულებაში მითითებული დოკუმენტაციის სრულად წარმოდგენიდან 30 (ოცდაათი) კალენდარული დღის განმავლობაში.

2.4. შესყიდვის ობიექტის სავარაუდო ღირებულება

სამუშაოების სავარაუდო ღირებულება - **883 790, 00** ლარი, დღგ-ს ჩათვლით.

2.5. საკონტაქტო ინფორმაცია

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, კახეთის გზატკეცილი №21, მე-2 სართული, ოთახი 219, საკონტაქტო პირები: ტელ.: +995 (32) 224-40-40, სატენდერო დოკუმენტაციასთან დაკავშირებულ საკითხებზე - ზურაბ ფულარია (შიდა-130), ტექნიკურ საკითხებზე - არჩილ დეკანოსიძე (მობ - 599431243) .

2.6 ხელშეკრულების უზრუნველყოფის საბანკო გარანტია

ტენდერში ხელშეკრულების შესრულების უზრუნველყოფის მექანიზმი გამოყენებულ იქნება შემდეგი ფორმით: უპირობო და გამოუთხოვადი საბანკო გარანტია, ხელშეკრულების ჯამური ღირებულების 5%-ს ოდენობით და მისი მოქმედების ვადა უნდა აღემატებოდეს სამუშაოს წარმოების გეგმა-გრაფიკით განსაზღვრულ დასრულების ვადას 30 დღით.

3. ტექნიკური დავალება

1. შესავალი

- 1.1 საქართველოს ნავთობისა და გაზის კორპორაცია (სნგკ) ამჟამად ახორციელებს ნავთლული-საგურამოს 720 მმ-იანი მილსადენის მშენებლობას. აღნიშნული მილსადენი გაივლის ტერიტორიაზე, რომელზეც 2012 წელს ასევე დაგეგმილია დასავლეთის მიმართულების საექსპორტო მილსადენის (დმსმ) განახლების სამშენებლო სამუშაოები დმსმ-ის სექციური ცვლილებების პროექტის (სცპ) ფარგლებში.
- 1.2 გაზსადენის და ნავთობსადენის ნორმებით გათვალისწინებულ მანძილებზე განლაგების უზრუნველსაყოფად, საჭიროა მშენებარე საგურამო-ნავთლულის მაგისტრალური გაზსადენის დერეფნის 26-27 კმ ნიშნულებს შორის არსებულ დერეფნში ჩატარდეს მიწის მოჭრის სამუშაოები, რათა მოცემულ მონაკვეთზე შესაძლებელი გახდეს აღნიშნული მილსადენების მშენებლობის უსაფრთხო წარმოება და შემდგომი ექსპლუატაცია.
- 1.3 მშენებელი კონტრაქტორი ვალდებულია არსებული რელიეფი დაიყვანოს იმ ნიშნულამდე, რომელიც უზრუნველყოფს გაზსადენისა და ნავთობსადენის ნორმებით გათვალისწინებულ მანძილებზე განლაგებას. ამის უზრუნველსაყოფად მილსადენების დერეფნის სიგანე უნდა შეადგენდეს მინიმუმ 20 მეტრს. აღნიშნულისათვის საჭიროა ქედის ხაზის გასწვრივ მოიჭრას გრუნტი და მოხდეს მისი ტრანსპორტირება და განთავსება კორპორაციის მიერ მითითებულ ტერიტორიაზე.

2. საპროექტო დოკუმენტაცია

კონტრაქტორმა უნდა იმოქმედოს ქვემოთ ჩამოთვლილი დოკუმენტებისა და ნახაზების გათვალისწინებით:

საპროექტო ნახაზები:

- SANA30-GS07-PL-ALS-00001
- SANA30-GS07-PL-SCM-00001

გარემოსდაცვის და შრომის უსაფრთხოების მართვის გეგმები და პროცედურები:

- SANA50-GS07-ES-PLN-00001
- GOGC001-GA00-HS-PRO-00007
- GOGC001-GA00-HS-PLN-00002

3. სამშენებლო სამუშაოების განმარტება

- 3.1 კონტრაქტორმა უნდა განახორციელოს შემდეგი სამშენებლო ეტაპები:
 - 3.2.1 15-20 (სმ) მიწის ნაყოფიერი ფენის მოჭრა, გადატანა დაახლოებით 1 (კმ) მანძილზე და დასაწყობება კორპორაციასთან წინასწარ შეთანხმებულ მონაკვეთებზე.
 - 3.2.2 დაახლოებით 51000 (მ³) მინერალური გრუნტის მოჭრა, გატანა/ტრანსპორტირება დაახლოებით 8 (კმ) მანძილზე და განთავსება კორპორაციის მიერ მითითებულ ტერიტორიაზე.
 - 3.2.3 მიწის ნაყოფიერი ფენის ტრანსპორტირება უკან და განთავსება დერეფნის გასწვრივ სრულ პერიმეტრზე.
- 3.2 მობილიზაციის ეტაპის დასრულებისთანავე, უნდა მოეწყოს მისასვლელი გზა, რადგან უზრუნველყოფილ იქნას ტრანსპორტის უსაფრთხო გადაადგილება და კლიმატური პირობების ცვლილებისას არ შეფერხდეს მიმდინარე სამუშაოები.

- 3.3 გრუნტის მოჭრის სამუშაოების მიმდინარეობისას ობიექტზე მუდმივად უნდა იმყოფებოდეს შესაბამისი ხელსაწყოებით აღჭურვილი კვალიფიციური გეოდეზისტი, რომელიც მუდმივად გააკონტროლებს დამუშავებული რელიეფის შესაბამისობას საპროექტო ნიშნულებთან.
- 3.4 კონტრაქტორი ვალდებულია ობიექტზე მოახდინოს მობილიზება სამუშაოების წარმოებისათვის საჭირო რაოდენობის და სახეობის მანქანა-მექანიზმების, რომელთა მდგომარეობა უნდა აკმაყოფილებდეს უსაფრთხოდ მართვა/ოპერირების ნორმებს. კორპორაცია იტოვებს უფლებას კონტრაქტორს მოთხოვოს შესაბამისი მანქანა-მექანიზმების ჩანაცვლება ან/და დამატება.

სამუშაოთა მოცულობის უწყისი

#	სამუშაოს დასახელება	განზ- ბა	რაოდენობა	ერთეულის ფასი	ღირებულება
1	მიწის ნაყოფიერი ფენის მოჭრა, გადატანა დაახლოებით 1 (კმ) მანძილზე და დასაწყობება კორპორაციასთან წინასწარ შეთანხმებულ მონაკვეთებზე.	(მ³)	4000		
2	მინერალური გრუნტის მოჭრა, გატანა/ტრანსპორტირება დაახლოებით 8 (კმ) მანძილზე	(მ³)	51000		
3	გატანილი მიწის ნაყოფიერი ფენის ტრანსპორტირება და დასაწყობება დერეფნის გასწვრივ სრულ პერიმეტრზე.	(მ³)	4000		

4. პრეტენდენტის მიერ სისტემაში ასატვირთი ინფორმაცია

პრეტენდენტმა ელექტრონულ სისტემაში უნდა ატვირთოს:

1. რეკვიზიტები (დანართი №1);
2. ხარჯთაღრიცხვა (დანართი №2)
3. სამუშაოების წარმოების გეგმა-გრაფიკი;
4. თანხმობა, ტენდერში გამარჯვების შემთხვევაში, ხელშეკრულების შესრულების უზრუნველყოფის საბანკო გარანტიის წარმოდგენაზე, ხელშეკრულების ღირებულების 5%-ის ოდენობით, დანართ №3-ში მოცემული ფორმით, რომლის მოქმედების ვადა არანაკლებ 30 დღით უნდა აღემატებოდეს სამუშაოს შესრულების საბოლოო ვადას.

შენიშვნა:

“სამუშაოების წარმოების გეგმა-გრაფიკი” ნიშნავს კონტრაქტორის მიერ მომზადებულ გრაფიკს, ცალკეული სამუშაოების წარმოების და ვადების მითითებით

5. სახელმწიფო შესყიდვების შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

კონტრაქტი

წინამდებარე კონტრაქტი დაიდო 2011 წლის -- ----- ქ. თბილისში

შპს "საქართველოს ნავთობისა და გაზის კორპორაციას" (შემდგომში: "სნგ"), და -----
----- (შემდგომში "კონტრაქტორი"), შორის იმის გათვალისწინებით, რომ
სნგ-მ 2011 წლის 8 აგვისტოს გამოაცხადა ტენდერი SPA_____ (CPV 45231221) "საგურამო-ნავთლუდის" მაგისტრალური გაზსადენის 20-50კმ-ზე დამატებითი სამუშაოები. რეკულტივაცია, გრუნტის მოჭრა და მისასვლელი გზის გაფართოება", რაზედაც კონტრაქტორისაგან მიიღო სატენდერო წინადადება.

კონტრაქტორი კისრულობს დამატებითი სამშენებლო სამუშაოების ჩატარებას "საგურამო-ნავთლუდის" მაგისტრალური გაზსადენის 20-50კმ მონაკვეთზე, საპროექტო დოკუმენტაციისა, სატენდერო ტექნიკური დავალებისა და წინამდებარე ხელშეკრულების შესაბამისად (შემდგომში: "სამუშაოები").

მხარეები თანხმდებიან შემდეგზე:

1. კონტრაქტი ძალაში შევა და ამოქმედდება მისი ხელმოწერისთანავე ("ძალაში შესვლის თარიღი").
2. წინამდებარე კონტრაქტის პირობების შესაბამისად ანგარიშსწორების განხორციელების სანაცვლოდ, კონტრაქტორი სნგ-ს წინაშე იღებს ვალდებულებას, რომ შეასრულებს და დაასრულებს სამუშაოებს, ასევე გამოსწორებს სამუშაოს შესრულების პროცესში დაშვებულ ხარვეზებს კონტრაქტის პირობების შესაბამისად.
3. სნგ იღებს ვალდებულებას, რომ კონტრაქტორს გადაუხდის სამუშაოების შესრულების საფასურს კონტრაქტის პირობების გათვალისწინებით. ზემოაღნიშნულის დასადასტურებლად მხარეები აფორმებენ წინამდებარე კონტრაქტს საქართველოში მოქმედი კანონმდებლობის შესაბამისად.

კონტრაქტის პირობები

1. განმარტებები

1.1. კონტრაქტში მოცემულ ტერმინებს და ფრაზებს მინიჭებული ექნებათ შემდეგი მნიშვნელობები:

- 1) "სამუშაოების წარმოების გეგმა-გრაფიკი" ნიშნავს კონტრაქტორის მიერ მომზადებულ გრაფიკს, ცალკეული სამუშაოების წარმოების და ვადების მითითებით, რომელიც წარმოადგენს კონტრაქტის შემადგენელ ნაწილს - დანართი 2;
- 2) "საზედამხედველო (ინსპექტირების) ჯგუფი" ნიშნავს სნგ-ს მიერ დანიშნულ იმ პირების ჯგუფს, რომელიც ადგილზე გააკონტროლებს სამუშაოების მიმდინარეობას დაკონტრაქტით განსაზღვრული პირობების შესრულებას;
- 3) "მიღება-ჩაბარების აქტი" ნიშნავს კონტრაქტის მხარეების უფლებამოსილი წარმომადგენლების მიერ ხელმოწერილ დოკუმენტს, რომელიც ადასტურებს, შესრულებული სამუშაოების მოცულობას. მიღება-ჩაბარების აქტი ეფუძნება საზედამხედველო (ინსპექტირების) ჯგუფის მიერ წარმოდგენილ დასკვნას;
- 4) "დასრულების თარიღი" ნიშნავს სამუშაოების მთლიანი მოცულობის დასრულების თარიღს, მაგრამ არაუგვიანეს 2011 წლის -- -----.
- 5) "კონტრაქტის პირობები" ნიშნავს პირობებს, რომელიც მოცემულია წინამდებარე კონტრაქტში და მის დანართებში;
- 6) "კონტრაქტი" ნიშნავს წინამდებარე დოკუმენტს, მის დანართებს და მასში განხორციელებულ ცვლილებებს და/ან დამატებებს;

- 7) “კონტრაქტის დანართები” ნიშნავს დოკუმენტებს, რომლებიც მოცემულია პუნქტ 2.2-ში მათში შეტანილი ცვლილებების და/ან დამატებების ჩათვლით;
- 8) “კონტრაქტორის წარმომადგენელი” ნიშნავს კონტრაქტორის მიერ დანიშნულ უფლებამოსილ წარმომადგენელს;
- 9) “კონტრაქტის ღირებულება” – შეადგენს ----- (-----) ლარს და შეიცავს საქართველოს კანონმდებლობით გათვალისწინებულ ყველა შესაბამის გადასახადს და გადასახდელს.
- 10) “კონტრაქტორი” ნიშნავს -----;
- 11) “დღე” ნიშნავს კალენდარულ დღეს;
- 12) “ხარვეზი” ნიშნავს სამუშაოს ნებისმიერი იმ ნაწილის შესრულებლობას ან არაჯეროვნად შესრულებას, რომლის შესრულებაც გათვალისწინებულია კონტრაქტის, საპროექტო დოკუმენტაციის ან/და სატენდერო დოკუმენტაციით განსაზღვრული პირობების შესაბამისად;
- 13) “ხარვეზების გამოსწორების აქტი” ნიშნავს კონტრაქტის მხარეების უფლებამოსილი წარმომადგენლების მიერ ხელმოწერილ დოკუმენტს;
- 14) “შესრულებული სამუშაოების საგარანტიო ვადა” თუ სხვა რამ არ არის დადგენილი კონტრაქტით, ნიშნავს 1 წლიან პერიოდს, რომლის ათვლაც იწყება სამუშაოების მთლიანი მოცულობის დასრულების დამადასტურებელი მიღება-ჩაბარების აქტის ხელმოწერიდან;
- 15) “ნახაზები” ნიშნავს გრაფიკულ გამოსახულებას, რომელიც წარმოადგენს საპროექტო დოკუმენტაციის განუყოფელ ნაწილს;
- 16) “კონტრაქტის ძალაში შესვლის თარიღი” ნიშნავს კონტრაქტის ხელმოწერის თარიღს;
- 17) “სნგკ” ნიშნავს შპს “საქართველოს ნავთობისა და გაზის კორპორაციას”;
- 18) “მანქანა-დანადგარები” ნიშნავს კონტრაქტორის მოწყობილობებს, მანქანებს, მექანიზმებს და დანადგარებს, რომლებიც განთავსებულია და/ან გამოიყენება სამშენებლო ობიექტზე სამუშაოების ჩასატარებლად;
- 19) “მასალები” ნიშნავს ყველა იმ მასალას, მათ შორის სახარჯ მასალებს, რომლებსაც იყენებს კონტრაქტორი სამუშაოების შესრულებისას;
- 20) “საზედამხედველო (ინსპექტირების) ჯგუფის უფროსი” ნიშნავს სნგკ-ს მიერ დანიშნულ უფლებამოსილ წარმომადგენელს, რომელსაც აქვს უფლება წინამდებარე კონტრაქტის მიზნებისთვის იმოქმედოს სნგკ-ს სახელით და მისცეს შესაბამისი მითითებები კონტრაქტორს სამუშაოების წარმოების დროს;
- 21) “მონაკვეთი” ნიშნავს ტექნიკური დავალებით 1.2. პუნქტში მითითებული მონაკვეთი;
- 22) “ობიექტი” ნიშნავს მონაკვეთს ან მის ნაწილს, სადაც უნდა განხორციელდეს სამშენებლო სამუშაოები;
- 23) “დაწყების თარიღი” ნიშნავს კონტრაქტის ძალაში შესვლის თარიღს;
- 24) “ქვეკონტრაქტორი” ნიშნავს ფიზიკურ ან იურიდიულ პირს, რომელსაც კონტრაქტორის წინაშე აქვს აღებული კონტრაქტით განსაზღვრული სამუშაოების ნაწილის შესრულების ვალდებულება;
- 25) “მიმწოდებელი” ნიშნავს ფიზიკურ ან იურიდიულ პირს, რომელსაც კონტრაქტორის წინაშე აქვს აღებული საქონლის და მასალების მიწოდების ვალდებულება, რომელიც კონტრაქტორის მიერ გამოყენებული იქნება სამუშაოების შესასრულებლად;
- 26) “დროებითი სამუშაოები” ნიშნავს დროებითი ხასიათის დამხმარე მშენებლობის, მონტაჟისა და დემონტაჟის სამუშაოებს, რომელსაც კონტრაქტორი ახორციელებს საკუთარი ხარჯით კონტრაქტით გასაზღვრული სამუშაოების შესრულების მიზნით;
- 27) “სამუშაოები” ნიშნავს კონტრაქტორის მიერ კონტრაქტით განსაზღვრულ საქმიანობას, რომელიც, მათ შორის, დეტალურად არის აღწერილი ტექნიკურ დავალებაში, საპროექტო დოკუმენტაციაში, დეტალურად არის რეგლამენტირებული შესაბამისი სამშენებლო წესებით, ნორმებით და სტანდარტებით;

28) “მშენებლობის ვადები” განისაზღვრება კონტრაქტორის მიერ მომზადებული სამუშაოების წარმოების გეგმა-გრაფიკით. მშენებლობის დასრულების თარიღი არ უნდა აღემატებოდეს 20-- წლის -- -----.

2. კონტრაქტის ინტერპრეტაცია (განმარტება)

2.1. კონტრაქტის მოცემული პირობების ინტერპრეტაციისას, სათაურებს არა აქვს რაიმე მნიშვნელობა. პირობების ინტერპრეტაციისას კონტრაქტის მუხლებში მოყვანილ სიტყვებსაქვს მათი ნორმალური მნიშვნელობა კონტრაქტის ენის მიხედვით. მხოლოდ სნგკ-ს შეუძლია გასცეს განმარტებები კონტრაქტის პირობებთან დაკავშირებით.

2.2. კონტრაქტი შედგება შემდეგი დოკუმენტებისაგან, რომელთაგან თითოეული უნდა იქნეს წაკითხული და გაგებული როგორც კონტრაქტის შემადგენელი ნაწილი:

ა) კონტრაქტის პირობები;

ბ) დანართი 1: ხარჯთაღრიცხვა;

გ) დანართი 2: სამუშაოების წარმოების გეგმა-გრაფიკი;

დ) დანართი 3: ტექნიკური დავალება (წარმოდგენილი SPA _____ სატენდერო დოკუმენტაციაში);

ე) დანართი 4: საპროექტო დოკუმენტაცია;

2.3. საპროექტო დოკუმენტაციის დედანი ინახება სნგკ-ში. მისი ერთი ასლი კონტრაქტორს გადაეცემა უფასოდ.

2.4. სნგკ-ს უფლება აქვს კონტრაქტორს პერიოდულად მისცეს დამატებითი საპროექტო დოკუმენტაცია და ინსტრუქციები, რომელიც შეიძლება საჭირო გახდეს სამუშაოების სათანადოდ და ადეკვატურად შესრულების, დასრულების და ხარვეზების გამოსწორების მიზნით. კონტრაქტორმა სამუშაოების შესრულება უნდა უზრუნველყოს აღნიშნული საპროექტო დოკუმენტაციისა და ინსტრუქციების შესაბამისად.

3. კონტრაქტის ენა და მარეგულირებელი კანონმდებლობა

3.1. კონტრაქტი შედგენილია ორ ეგზემპლარად ქართულ ენაზე. კონტრაქტი რეგულირდება საქართველოს კანონმდებლობით და ნებისმიერი დავა მხარეთა შორის გადაწყდება საქართველოს კანონმდებლობის შესაბამისად.

3.2. კონტრაქტორი ვალდებულია თავისი ხარჯითა და რისკით უზრუნველყოს სათანადო უფლებამოსილების მქონე ორგანოებისაგან (პირისაგან) სამუშაოთა განხორციელებისათვის აუცილებელი ყველა საჭირო ნებართვების, ლიცენზიების მიღება, გადასახდელების გადახდა, რომლებიც მათ შორის, დაკავშირებულია:

ა) ნებისმიერი სათანადო უფლებამოსილების მქონე ორგანოს (პირის), კანონის, კანონქვემდებარე აქტის მოთხოვნების შესრულებასთან, რომლებიც ეხება სამუშაოთა შესრულებას და დასრულებას და ხარვეზების გამოსწორებას, და

ბ) ნებისმიერი ჯარიმების გადახდასთან ან/და ვალდებულებების შესრულებასთან მესამე პირების მიმართ, რომლებიც შეიძლება წარმოიშვას მათი ქონებისათვის ზიანის მიყენების ან კანონიერი უფლებების დარღვევის დროს.

4. საზედამხედველო (ინსპექტირების) ჯგუფი

4.1. კონტრაქტორის მიერ ამ კონტრაქტით ნაკისრი ვალდებულებების დროულად და ჯეროვნად შესრულების კონტროლის მიზნით სნგკ ქმნის საზედამხედველო (ინსპექტირების) ჯგუფს, რომელსაც ხელმძღვანელობს ჯგუფის უფროსი. საზედამხედველო (ინსპექტირების) ჯგუფის უფროსს აქვს კონტრაქტორისათვის შესაბამისი მითითებებისა და ინსტრუქციების გაცემის უფლება ან/და კონტრაქტორისათვის ”ხარვეზის გამოსწორების შეტყობინების” გაკეთების უფლება, რომელიც შეიძლება საჭირო გახდეს სამუშაოების სათანადოდ და დროულად შესრულების მიზნით, ან/და სამუშაოს ნებისმიერი ნაწილის შესაჩერებლად, იმ შემთხვევაში თუ არ სრულდება სამშენებლო სტანდარტის მოთხოვნები და/ან კონტრაქტის პირობები და მოსთხოვოს კონტრაქტორს, სნგკ-სთვის დამატებითი ხარჯის გარეშე მათი განხორციელება. ხარვეზის გამოსწორების შეტყობინებაში მოცემული მითითებების შესრულება კონტრაქტორისათვის სავალდებულოა.

4.2. საზედამხედველო ჯგუფი ვალდებულია შეამოწმოს სამუშაოების მიმდინარეობა, მათი შესრულების ხარისხი, ვადები და პროექტთან შესაბამისობა.

4.3. მხოლოდ საზედამხედველო ჯგუფის დადებითი დასკვნის საფუძველზე შეიძლება გაფორმდეს სამუშაოების ან მისი ნაწილის - მიღება-ჩაბარების აქტი.

5. შეტყობინებები

5.1. მხარეებს შორის შეტყობინებებს ძალა ექნება მხოლოდ მაშინ, თუ ის შესრულება წერილობითი ფორმით და გადაეცემა კონტრაქტის მეორე მხარეს. კონტრაქტორის შემთხვევაში, შეტყობინებები შეიძლება გადაეცეს როგორც კონტრაქტორს, ასევე მის წარმომადგენელს, ამასთან ჩაითვლება, რომ წარმომადგენლისათვის გადაცემული შეტყობინება გადაცემულია კონტრაქტორისათვის.

6. უფლების გადაცემა

6.1. კონტრაქტორი სნგკ-ს წინასწარი დასტურის გარეშე მესამე პირებს არ გადასცემს უფლებას კონტრაქტზე ან მის რომელიმე ნაწილზე, ან ამ კონტრაქტით გათვალისწინებულ რაიმე სარგებელს ან ინტერესზე. ამ პუნქტით დადგენილი ნორმების დარღვევა უპირობოდ მიიჩნევა კონტრაქტის დარღვევად, ხოლო კონტრაქტორის მიერ მესამე პირებთან გაფორმებული ნებისმიერი შესაბამისი კონტრაქტი, შეთანხმება ან სხვა ამგვარი დოკუმენტი ითვლება ბათილად.

7. ქვეკონტრაქტების გაფორმება

7.1. კონტრაქტორს არ აქვს უფლება, გააფორმოს ქვეკონტრაქტი მთლიანი სამუშაოს ან სამუშაოს რომელიმე ნაწილის შესრულებასთან დაკავშირებით, თუ ამის შესახებ სნგკ-ს წინასწარ წერილობით არ შეატყობინებს და არ მიიღებს შესაბამის წერილობით დასტურს. ასეთი დასტური არ გაათავისუფლებს კონტრაქტორს კონტრაქტით გათვალისწინებული ნებისმიერი სახის პასუხისმგებლობისა თუ ვალდებულებისგან და იგი პასუხს აგებს ქვეკონტრაქტორისა და მისი მომსახურე პერსონალის მიერ ჩადენილ ნებისმიერი ქმედებაზე, შესრულებულ სამუშაოში დაშვებულ ნებისმიერ წუნსა თუ დაუდევრობაზე. კონტრაქტორი ვალდებულია, უზრუნველყოს, რომ ქვეკონტრაქტორმა შეასრულოს კონტრაქტის პირობები.

8. სხვა კონტრაქტორები

8.1. კონტრაქტორი ითანამშრომლებს საზოგადოების წარმომადგენლებთან, კომუნალურ საწარმოებთან და სნგკ-სთან და გაინაწილებს მონაკვეთს და/ან სამშენებლო მოედანს სხვა კონტრაქტორებთან (მათი არსებობის შემთხვევაში).

9. პერსონალი

9.1. კონტრაქტორი იქირავებს პერსონალს, რომლის შერჩევა იწარმოებს მათ მიერ შესასრულებელი ფუნქციებისა და მათზე დაკისრებული მოვალეობების შესაბამისად. კონტრაქტორი ვალდებულია ერთნაირი კვალიფიკაციის და გამოცდილების მქონე პერსონალის დაქირავებისას უპირატესობა მიანიჭოს საქართველოს მოქალაქეებს სხვა ქვეყნის მოქალაქეებთან მიმართებაში.

9.2. კონტრაქტორი სამუშაოების შესრულებასა და მათ დასრულებასთან დაკავშირებით, აგრეთვე სამუშაოების შესრულებისას დაშვებული ხარვეზების გამოსწორების მიზნით, უზრუნველყოფს მხოლოდ ისეთი ტექნიკური პერსონალის დაქირავებას, რომელიც გამოცდილი და კვალიფიციურია შესაბამის სპეციალობაში და ისეთი სამუშაოთა მწარმოებლების და ზედამხედველების დაქირავებას, რომლებსაც შესწევთ უნარი უზრუნველყონ შესაბამისი ზედამხედველობა სამუშაოებზე.

9.3. იმ შემთხვევაში, თუკი საზედამხედველო (ინსპექტირების) ჯგუფის უფროსი მიმართავს კონტრაქტორს ხარვეზის გამოსწორების შეტყობინებით, რომელიც ეხება კონტრაქტორის გუნდის ან სამუშაო ჯგუფის წევრი კონკრეტული პირის მიერ სამუშაოს შესრულების შეზღუდვას, და მოიყვანს შესაბამის დასაბუთებას აღნიშნულთან დაკავშირებით, კონტრაქტორმა უნდა უზრუნველყოს, რათა დასახელებულმა პიროვნებამ დაუყონებლივ დატოვოს სამშენებლო მოედანი და მას აღარ გააჩნდეს შეხება კონტრაქტით განსაზღვრულ სამუშაოებთან.

9.4. კონტრაქტორი თავად უზრუნველყოფს საკუთარ თანამშრომლებს საცხოვრებელით, ანაზღაურებით, კვებით და ტრანსპორტით.

9.5. კონტრაქტორი ვალდებულია სამუშაოების წარმოების მთელი პერიოდისათვის უზრუნველყოს შესაბამისი უსაფრთხოების წესების დაცვა.

10. კონტრაქტორის წარმომადგენელი

10.1. კონტრაქტორის წარმომადგენელი უფლებამოსილია კონტრაქტორის სახელით მიიღოს სამუშაოს შესრულებასთან დაკავშირებით საზედამხედველო (ინსპექტირების) ჯგუფის მიერ გაცემული ყველა დირექტიული მითითება და ინსტრუქცია.

10.2. კონტრაქტორი არ შეცვლის კონტრაქტორის წარმომადგენელს სნგკ-ს წინასწარი თანხმობის გარეშე. მსგავსი თანხმობა არ ათავისუფლებს კონტრაქტორს მოცემული კონტრაქტით გათვალისწინებული ვალდებულებებისაგან.

11. სნგკ-ს რისკები

11.1. სამუშაოების დაწყების თარიღიდან სამუშაოების მთლიანი მოცულობის მიღება-ჩაბარების აქტის გაფორმებამდე, სნგკ-ს ეკისრება საკუთარი პერსონალის დაშავების ან/და სიკვდილის, რისკი, რაც გამოიწვია სნგკ-ს მიერ კანონით გათვალისწინებული ვალდებულების დარღვევამ.

12. კონტრაქტორის რისკები

12.1. სამუშაოების დაწყების თარიღიდან სამუშაოების მთლიანი მოცულობის მიღება-ჩაბარების აქტის გაფორმებამდე, კონტრაქტორს ეკისრება პერსონალის დაშავების, სიკვდილის და ქონების დაკარგვის ან დაზიანების (სამუშაოების, მოწყობილობის, მასალების, დანადგარების და სნგკ-ს მიერ მიწოდებული მასალების ჩათვლით) რისკები, ასევე მესამე პირებისათვის მიყენებული ზიანის ანაზღაურების და გარემოს დაზიანებების შემთხვევები. კონტრაქტორს ეკისრება სრული პასუხისმგებლობა ყველა იმ რისკზე რომლებიც არ წარმოადგენს სნგკ-ს რისკებს.

13. შესრულებული სამუშაოების საგარანტიო ვადა

13.1. კონტრაქტორი იძლევა გარანტიას, რომ სამუშაოების მთლიანი მოცულობის დასრულების დამადასტურებელი მიღება-ჩაბარების აქტის ხელმოწერიდან 1 წლის ვადაში შესრულებულ სამუშაოზე არ გამოვლინდება დეფექტი/ხარვეზი, ხოლო მათი გამოვლენის შემთხვევაში კონტრაქტორი ვალდებულია საკუთარი ხარჯითა და პასუხისმგებლობით

აღმოფხვრას საგარანტიო პერიოდში გამოვლენილი ხარვეზი სნგკ-ს მიერ განსაზღვრულ ვადაში.

14. პასუხისმგებლობა ზიანის ანაზღაურებაზე და ხარვეზის გამოსწორებაზე

14.1. კონტრაქტორი ვალდებულია საკუთარი ხარჯით გამოსწოროს ნებისმიერი ხარვეზი და აანაზღაუროს ზიანი იმგვარად, რომ შესრულებული სამუშაო სრულ შესაბამისობაში იყოს კონტრაქტის პირობებთან. კონტრაქტორი იღებს სრულ პასუხისმგებლობას ნებისმიერ ზიანზე ან დანაკარგზე, რომელიც მიადგება მილსადენს სამუშაოების საგარანტიო ვადის მოქმედების პერიოდში მის მიერ ოპერაციების ჩატარებისას.

14.2. კონტრაქტორის მიერ ხარვეზების გამოსწორებასთან დაკავშირებული ყველა სამუშაო შესრულებული იქნება კონტრაქტის პირობების დაცვით, იმგვარად, რომ კონტრაქტორმა სნგკ-ს ააცილოს ყველანაირი პრეტენზია, ზიანი, ხარჯი და სასამართლო განხილვა, რომელიც შეიძლება ინიცირებულ იქნას მესამე მხარის მხრიდან სნგკ-სთან მიმართებაში.

15. კონტრაქტორის მიერ სამუშაოს შესრულება

15.1. კონტრაქტორი კონტრაქტის პირობების მიხედვით, შესაბამისი ძალისხმევით და მონდომებით დაგეგმავს (კონტრაქტის ფარგლებში), შეასრულებს და დაასრულებს სამუშაოებს, ასევე გამოსწორებს ნებისმიერ ხარვეზს, რომლებიც დაკავშირებულია აღნიშნულ სამუშაოებთან.

15.2. კონტრაქტორი უზრუნველყოფს სამუშაოთა სრულ კონტროლს, სამუშაო ძალის დაქირავებას, საჭირო მასალებითა და მოწყობილობით უზრუნველყოფას, ყველა სხვა სამუშაოს, იქნება ის დროებითი ხასიათის, თუ მუდმივი, რომელიც საჭიროა მის მიერ კონტრაქტით განსაზღვრული ვალდებულებების შესრულებისათვის.

15.3. კონტრაქტორი აწარმოებს სამშენებლო სამუშაოებს საპროექტო დოკუმენტაციის შესაბამისად. კონტრაქტორი დაუყონებლივ, მაგრამ არაუგვიანეს 2 დღის ვადაში, შეატყობინებს სნგკ-ს ნებისმიერი შეცდომის, წუნის ან ხარვეზის შესახებ საპროექტო დოკუმენტაციაში.

15.4. კონტრაქტორი კისრულობს სრულ პასუხისმგებლობას ადგილზე შესასრულებელი სამუშაოების ადეკვატურობასა, სტაბილურობასა და უსაფრთხოებაზე, აგრეთვე სამშენებლო წესების, ნორმების და სტანდარტების შესრულებასთან და მშენებლობის ორგანიზებასთან დაკავშირებით.

15.5. კონტრაქტორი მკაცრად დაემორჩილება და იმოქმედებს საზედამხედველო (ინსპექტირების) ჯგუფის მიერ გაცემული მითითებების შესაბამისად სამუშაოებთან დაკავშირებულ ნებისმიერ საკითხზე. კონტრაქტორი ვალდებულია მიიღოს მითითებები მხოლოდ სნგკ-გან (ან მისი უფლებამოსილი პირისაგან).

15.6. კონტრაქტორი კისრულობს სრულ პასუხისმგებლობას სამუშაოებზე სამუშაოთა დაწყების მომენტიდან სამუშაოთა მთლიანი მოცულობის მიღება-ჩაბარების აქტის გაფორმების თარიღამდე (გარდა გარანტიებთან დაკავშირებული პასუხისმგებლობისა, რომლის მოქმედების 1 წლიანი ვადაც აითვლება სამუშაოების სრული მოცულობის მიღება-ჩაბარების აქტის გაფორმებიდან).

16. სამუშაოების წარმოების ვადა

16.1. კონტრაქტორი უზრუნველყოფს სამუშაოთა დასრულებას სამუშაოების წარმოების გეგმა-გრაფიკში (დანართი 2) აღნიშნულ ვადებში.

16.2 კონტრაქტორის მიერ სამუშაოების წარმოების გეგმა-გრაფიკით გათვალისწინებული სამუშაოების დადგენილ ვადაში შეუსრულებლობის შემთხვევაში, კონტრაქტორი მიიღებს ხარვეზის გამოსწორების შეტყობინებას, სადაც მითითებული იქნება გეგმა-გრაფიკის ფარგლებში შეუსრულებელი სამუშაოები და მათი შესრულების ზღვრული ვადები. ხარვეზის გამოსწორებლობა ხარვეზის გამოსწორების შეტყობინებაში მითითებულ ვადაში ჩაითვლება კონტრაქტის პირობის არსებით დარღვევად.

17. დროებითი სამუშაოები

17.1. კონტრაქტორმა სნგკ-ს უნდა შეუთანხმოს დროებითი სამუშაოები.

18. ჯანმრთელობის და უსაფრთხოების საკითხები

18.1. კონტრაქტორი პასუხისმგებელია სამშენებლო ობიექტზე სამუშაოების უსაფრთხოდ წარმოებასა და ჯანმრთელობის დაცვაზე მოქმედი კანონმდებლობის და სამშენებლო სფეროში არსებული სტანდარტების შესაბამისად.

19. გარემოს დაცვის, კულტურული მემკვიდრეობის და სოციალური ზეგავლენის საკითხები

19.1. კონტრაქტორი, საქართველოს მოქმედი კანონმდებლობის შესაბამისად, პასუხისმგებელია ყველა შესაძლო ნეგატიურ ზეგავლენაზე, რომელიც მიმდინარე სამუშაოებმა შეიძლება მოახდინოს გარემოზე, სოციალურ გარემოზე, კულტურულ მემკვიდრეობაზე და საზოგადოებაზე.

19.2. კონტრაქტორი და ქვეკონტრაქტორი (არსებობის შემთხვევაში) ვალდებული არიან დაექვემდებარონ შესაბამისი კანონების მოთხოვნებს და დებულებებს, რომელიც დაკავშირებულია გარემოზე, სოციალურ გარემოზე, კულტურულ მემკვიდრეობაზე და საზოგადოებაზე ზეგავლენის საკითხებთან (რაც თავის მხრივ შეზღუდვის გარეშე მოიცავს

გარემოს დაბინძურების თავიდან აცილებას, კულტურულ მემკვიდრეობის დაცვას და სხვა გადაუდებელ ღონისძიებებს).

19.3. სამუშაოთა მიმდინარეობის მთელი პერიოდის განმავლობაში და მათი დასრულების მომენტისათვის, აგრეთვე ხარვეზების გამოსწორების პერიოდში, კონტრაქტორი ყველა ღონეს იხმარს, რათა დაიცვას მშენებლობის მომიჯნავე გარემო, სოციალურ გარემო, კულტურული მემკვიდრეობა და საზოგადოება ნეგატიური ზეგავლენისაგან და ცალკეული

პიროვნებები შეწუხებისა და მათი ქონების დაზიანებისაგან, რაც დაკავშირებულია გარემოს დაბინძურებასთან ან სხვა მიზეზებთან.

20. გარემოს დაბინძურება

20.1. სამუშაოთა წარმოების და მათი დასრულების შემდგომ კონტრაქტორი უზრუნველყოფს სამშენებლო ნარჩენების და ნაგვის გატანას, რომელიც წარმოიქმნა მშენებლობის პროცესში. კონტრაქტორი ვალდებულია

დაემორჩილოს სნგკ-ს მოთხოვნას, რომელიც ითვალისწინებს სამუშაოთა მიმდინარეობის განმავლობაში მსგავსი დასუფთავების ღონისძიებების გატარებას.

20.2. სამუშაოების დასრულებისთანავე კონტრაქტორი ვალდებულია დაუყოვნებლივ გაიტანოს სამშენებლო მოედნიდან კონტრაქტორის და ქვე-კონტრაქტორის (არსებობის შემთხვევაში) კუთვნილი მოწყობილობა, მასალები, ხარაჩოები, დროებითი ნაგებობები და მსგავსი კონსტრუქციები.

20.3. კონტრაქტორი კისრულობს ვალდებულებას დაიცვას ნიადაგი და წყალი დაბინძურებისაგან, რომელიც გამოწვეულია, მაგრამ არ შემოიფარგლება გადმოღვრით, გაჟონვით ან საწვავის, ძრავის შესაზეთი მასალების, საღებავების, დასაგრუნტი მასალების, გამხსნებელის დაღვრით, ნარჩენებით, ნაგვით და სხვა მასალებით, რომლებიც

კონტრაქტორის ან ქვე-კონტრაქტორის საკუთრებაში ან კონტროლის ქვეშაა და იღებს ვალდებულებას მის გატანაზე და აგრეთვე იმაზე, რომ დაიცვას სნგკ (“ზიანისაგან დაცული მხარე”) მის მიმართ წაყენებული პრეტენზიისაგან, მოთხოვნისაგან, ხარჯისაგან, სასამართლო გარჩევისაგან, დანაკარგისაგან და სხვა ხარჯისაგან, რომლებიც წარმოიქმნება

კონტრაქტორის დაუდევრობის მიზეზით ან მის მიერ მესამე პირთა უფლებების დარღვევისას.

20.4. კონტრაქტორი ვალდებულია უზრუნველყოს სამუშაოების წარმოების შედეგად წარმოქმნილი ნარჩენების (სახიფათო და არასახიფათო) სეპარირებული შეგროვება, აღრიცხვა, დროებით უსაფრთხოდ განთავსება და გადაცემა გაუნებელყოფა-გადამუშავების მიზნით, გარემოზე ზემოქმედების ნებართვის მქონე სათანადო ლიცენზირებული ორგანიზაციისათვის.

20.5. სამშენებლო სამუშაოების წარმოებისას ნებისმიერი სახის ზიანი ან დანაკარგი, რომელიც მიაღდა მესამე მხარის ქონებას, დაუყოვნებლივ იქნება კონტრაქტორის მიერ აღდგენილი პირვანდელ მდგომარეობაში ან/და ჩანაცვლებული უკეთესით ან/და ანაზღაურებული იქნება შესაბამისი ღირებულებით. აღნიშნული მდგომარეობა დაექვემდებარება მოლაპარაკებას კონტრაქტორსა და ზემოქმედების ქვეშ მყოფ მესამე მხარე(ებ)ს შორის.

20.6. სამუშაოების ზემოქმედების ქვეშ მოყოლილ მიწის ნაკვეთების აღდგენის შემდეგ კონტრაქტორი ვალდებულია მიწის მესაკუთრეებთან გააფორმოს შესაბამისი მიღება-ჩაბარების აქტი, რომელსაც ხელს აწერს მესამე პირი ასევე კონტრაქტორის უფლებამოსილი პირი.

21. სნგკ-ს მიერ მისაწოდებელი მასალები (არ გამოიყენება)

22. ნებართვები და ლიცენზიები

22.1. სნგკ კონტრაქტორს გადასცემს მის მიერ მოპოვებულ ნებართვებს მშენებლობაზე სახელმწიფო ორგანოებიდან და მიწის მესაკუთრეებისაგან.

22.2. კონტრაქტორი საკუთარი რისკით და დანახარჯით მოიპოვებს სამუშაოთა საწარმოებლად საჭირო უფლებებს, ნებართვებს და ლიცენზიებს, გარდა იმ ნებართვებისა, რომლებიც მიწოდებულია სნგკ-ს მიერ.

23. სამუშაოების წარმოების გეგმა-გრაფიკი

23.1. სამუშაოების შესრულების ვადების კონტროლი ხორციელდება სამუშაოების წარმოების გეგმა-გრაფიკის საფუძველზე, რომლებიც წარმოადგენს ამ კონტრაქტის №2 დანართს.

24. დროული გაფრთხილება

24.1. კონტრაქტორმა დროულად უნდა გაუგზავნოს სნგკ-ს გაფრთხილება იმ მოსალოდნელ მოვლენებთან და ვითარებებთან დაკავშირებით, რომლებმაც შეიძლება უარყოფითად იმოქმედონ სამუშაოების მიმდინარეობაზე.

25. სამუშაოს ხარისხი და ინსპექტირება

25.1. სამუშაოს ხარისხი უნდა შეესაბამებოდეს კონტრაქტით განსაზღვრულ ხარისხს და სნგკ-ს მოთხოვნებს. სამუშაოს ხარისხი დროდადრო შემოწმდება სნგკ-ს მიერ თავად სამშენებლო ობიექტზე ან სხვა განსაზღვრულ ტერიტორიაზე. კონტრაქტორმა უნდა მოახდინოს სამუშაოების და მასალების ტესტირების ჩასატარებლად ყველა საჭირო საშუალებით, ტექნიკით და სამომხმარებლო ნივთებით უზრუნველყოფა, ასევე გასცეს

შესაბამისი შეტყობინება (ტესტირების ჩატარებამდე არაუგვიანეს 48 საათისა), რომელიც საშუალებას მისცემს სნგკ-ს დაესწროს ნებისმიერი სახის ინსპექტირებასა და ტესტირებას.

25.2. ყველა სამუშაო უნდა გაიაროს სისტემატიური ინსპექტირება და ხარისხის კონტროლი. კონტრაქტორმა სნგკ-ს ყოველდღიურად უნდა მიაწოდოს ხარისხის კონტროლის ანგარიში და საჭიროებისამებრ გაატაროს ღონისძიებები პრობლემის აღმოსაფხვრელად. სნგკ-ს გადაეცემა ხარვეზების, მათ შორის გარემოსდაცვით და უსაფრთხოების საკითხებთან დაკავშირებული ხარვეზების შესახებ დოკუმენტაცია და ანგარიშები.

25.3. ხარისხის კონტროლის საფუძველზე გამოვლენილი ყველა დეფექტი ან/და დარღვევა დაუყონებლივ, მაგრამ არაუგვიანეს 24 საათისა შესაბამისი დეფექტის ან/და დარღვევის გამოვლენის მომენტიდან, უნდა ეცნობოს საზედამხედველო (ინსპექტირების) ჯგუფის უფროსს და უნდა გაიცეს მითითება გამოსასწორებელ ღონისძიებებთან დაკავშირებით. იმ შემთხვევაში, თუ კონტრაქტორის საქმიანობაში აღმოჩენილ იქნა ხარვეზი, კონტრაქტორი ვალდებულია გამოსასწოროს აღნიშნული ხარვეზი საზედამხედველო (ინსპექტირების) ჯგუფის უფროსის მიერ გაგზავნილ ხარვეზის გამოსწორების შეტყობინებაში განსაზღვრულ ვადებში.

25.4. თუ საზედამხედველო (ინსპექტირების) ჯგუფის ან მოწვეული ხარისხის შემფასებლის (ასეთის არსებობის შემთხვევაში) მიერ აღმოჩენილ იქნა დარღვევები, ისინი ამის შესახებ დაუყოვნებლოვ აცნობებენ მხარეებს.

25.5. არც ერთი დაფარული სამუშაო, აგრეთვე დაფარული სამუშაოს არცერთი ნაწილი არ უნდა სრულდებოდეს და იყოს დასრულებული სნგკ-ს მხრიდან კონტროლისა და ინსპექტირების და შესაბამისი აქტის შედგენის გარეშე. კონტრაქტორი ვალდებულია შეატყობინოს სნგკ-ს დაფარული სამუშაოს (დაფარული სამუშაოს ნაწილის) დაწყების და დასრულების დროის თაობაზე არაუგვიანეს 2 დღით ადრე ასეთი სამუშაოს (დაფარული სამუშაოს ნაწილის) დაწყებამდე ან შესაბამისად, დასრულებამდე.

25.6. კონტრაქტორმა სნგკ-ს მითითების თანახმად ხელმისაწვდომი უნდა გახადოს სამუშაოების ინსპექტირება. კონტრაქტორმა უნდა უზრუნველყოს სამუშაოს ნებისმიერი ნაწილის შესრულება სნგკ-ს მოთხოვნების შესაბამისად.

25.7. სნგკ-ს და სხვა უფლებამოსილ პირს, კონტრაქტის, დადგენილებების და მარეგულირებელი კანონმდებლობის მოთხოვნისამებრ, აქვთ უფლება ნებისმიერ გონივრულ დროს კონტრაქტთან შესაბამისობის ან სამუშაოების მსვლელობის შეფასების მიზნით მოახდინოს სამშენებლო მოედანზე სამუშაოების წარმოების და სამუშაოებისთვის განკუთვნილი მასალების და კონტრაქტორის ან მისი მიმწოდებლის ან ქვეკონტრაქტორის (არსებობის შემთხვევაში) ნაგებობების ინსპექტირება. კონტრაქტორმა უნდა მოახდინოს ინსპექტირებისთვის შესაბამისი, უსაფრთხო და სათანადო საშუალებებით უზრუნველყოფა.

25.8. სნგკ-ს მიერ დადგენილი ხარვეზის გამოსწორება კონტრაქტორის მიერ უნდა მოხდეს დაუყოვნებლივ, კონტრაქტორის სახსრების გამოყენებით. კონტრაქტორის მიერ ხარვეზის სრულ და ჯეროვნად აღმოფხვრამდე მხარეებს შორის შესაბამისი სამუშაოს მიღება-ჩაბარების აქტის გაფორმება არ განხორციელდება. იმ შემთხვევაში, თუ კონტრაქტორი ვერ, ან არ განახორციელებს ხარვეზის აღმოფხვრას ხარვეზის გამოსწორების შეტყობინებაში მითითებულ ვადაში, მაშინ ეს ჩაითვლება კონტრაქტის პირობის არსებით დარღვევად.

26. ტესტირება (არ გამოიყენება)

27. ხარვეზების გამოსწორება

27.1. კონტრაქტით განსაზღვრული სამუშაოების დასრულების შემდეგ, სამუშაოების საგარანტიო პერიოდის დასრულებამდე, ნებისმიერი აღმოჩენილი ხარვეზის შესახებ ხარვეზის გამოსწორების შეტყობინებას კონტრაქტორს გაუგზავნის სნგკ.

27.2. ყოველი ხარვეზის გამოსწორების შეტყობინების დროს კონტრაქტორმა უნდა მოახდინოს შესაბამისი ხარვეზის გამოსწორება შეტყობინებაში განსაზღვრული განსაზღვრული ვადის განმავლობაში. აღნიშნული ვადის დარღვევა წარმოადგენს კონტრაქტის პირობის არსებით დარღვევას.

28. მობილიზაციის გეგმა (არ გამოიყენება)

29. ცვლილებები

29.1. მხოლოდ სნგკ-ს აქვს სამუშაოების მოცულობასთან დაკავშირებული ცვლილებების შეტანის უფლება, მათ შორის კონტრაქტორის მიერ ინიცირებული ცვლილებების. ასეთი ცვლილებები შესაძლოა მოიცავდეს,

დამატებას, შემცირებას, გაუქმებას, ჩანაცვლებას ან სხვა სახის ცვლილებას მათ შორის ცვლილებებს კონტრაქტის მიმართ. ცვლილებები არ შელახავს კონტრაქტის იურიდიულ ძალას.

29.2. კონტრაქტორმა უნდა უზრუნველყოს სნგკ-ს მიერ მოთხოვნილი ცვლილებების ხარჯთაღრიცხვის, აგრეთვე კონტრაქტის სხვა დანართების მომზადება, რომელიც უნდა ეფუძნებოდეს ერთეული სამუშაოს ღირებულებას.

30. ცვლილებებთან დაკავშირებული გადახდა

30.1. მხარეებს შორის შეთანხმებული ცვლილება აღსრულდება კონტრაქტში შესული შესწორების საფუძველზე. ყველა შესწორება იქნება წერილობითი სახის, აღსრულდება ორივე მხარის მიერ და ძალაში შევა მისი ხელმოწერის დღიდან.

30.2. კონტრაქტორს ეკისრება ვალდებულება დაფაროს დამატებითი ხარჯები, რომელთა აუცილებლობა გამომდინარეობს ამ კონტრაქტის 30.1 პუნქტით გათვალისწინებული ცვლილებებიდან, თუ ამ ხარჯების შესაძლებლობის ან აუცილებლობის თაობაზე კონტრაქტორმა წინასწარ წერილობით არ შეატყობინა სნგკ-ს.

30.3 კონტრაქტით განსაზღვრული სამუშაოთა საერთო ღირებულება, შეტანილი ცვლილებების ღირებულებების გათვალისწინებით, არ უნდა აღემატებოდეს კონტრაქტის ღირებულებას.

31. სამუშაოების მიღება-ჩაბარების წესი

31.1. სამუშაო ან მისი ნაწილი ჩაითვლება მიღებულად მხოლოდ შესრულებული სამუშაოს შესახებ მიღება-ჩაბარების აქტის გაფორმების შემდეგ.

31.2. კონტრაქტორი სნგკ-ს კონტრაქტის გაფორმებიდან ყოველი თვის ბოლო სამუშაო დღეს წარუდგენს დეტალურ ინფორმაციას შესრულებული სამუშაოების შესახებ, მათ შორის კონკრეტული თვისათვის შესრულებული სამუშაოების დეტალურ ხარჯთაღრიცხვას (ფორმა №2) და შესრულებული სამუშაოების ხელმოსაწერ მიღება-ჩაბარების აქტს. მიღება-ჩაბარების აქტის ხელმოწერა უნდა განხორციელდეს აქტის წარდგენიდან 10 (ათი) სამუშაო დღის განმავლობაში, თუ სნგკ-ს არ გააჩნია შენიშვნები ხსენებული აქტის ან მიღება-ჩაბარების აქტთან ერთად წარმოდგენილ დოკუმენტების მიმართ.

31.3. კონტრაქტორის მიერ გაწეული სამუშაოს (მისი ნაწილის) მიღებისას და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს კონტრაქტორი.

31.4. სნგკ ვალდებულია ოპერატიულად, წერილობითი სახით, აცნობოს კონტრაქტორს შესრულებული სამუშაოს შემოწმების შედეგები დაწუნებული სამუშაოს მიზეზების მითითებით.

31.5. შუალედური მიღება-ჩაბარების აქტებს ხელს აწერენ სნგკ-სა და კონტრაქტორის შესაბამისი უფლებამოსილი პირები სნგკ-ს ინსპექტირების ჯგუფის დასკვნის საფუძველზე.

31.6. იმის გათვალისწინებით, რომ კონტრაქტის ფარგლებში შესასრულებელი მიწის მოჭრის სამუშაოების ადგილას, 2012 წელს დაგეგმილია დასავლეთის მიმართულების საექსპორტო მილსადენის მშენებლობა (დმსმ, WREP), შესრულებული სამუშაოების კონტრაქტის პირობებთან შესაბამისად წარმოება უნდა დადასტურდეს ასევე სს „საქართველოს მილსადენის კომპანიას საქართველოს ფილიალის“ მიერ, შესაბამისად, საბოლოო მიღება-ჩაბარების აქტი ხელმოწერილი უნდა იყოს სნგკ-ს, კონტრაქტორის და სს „საქართველოს მილსადენის კომპანიას საქართველოს ფილიალის“ მიერ, სნგკ-ს ინსპექტირების ჯგუფის დასკვნის საფუძველზე.

32. ანგარიშსწორება

32.1. სნგკ კონტრაქტორს ავანსის სახით გადაუხდის კონტრაქტის ჯამური ღირებულების 20%-ს (ოც პროცენტს), კონტრაქტორის მიერ სნგკ-სათვის 39-ე მუხლში მითითებული შესაბამისი ავანსის ღირებულების საბანკო გარანტიის წარდგენიდან 10 (ათი) კალენდარული დღის განმავლობაში.

32.2. შესრულებული სამუშაოსათვის ანგარიშსწორება კონტრაქტორთან წარმოებს უნაღდო ანგარიშსწორების გზით, 31.2 მუხლის თანახმად წარმოდგენილი სამუშაოების დეტალური ხარჯთაღრიცხვის (ფორმა №2) და ანგარიშფაქტურის საფუძველზე.

32.3. ანგარიშსწორების მიზნით კონტრაქტორმა სნგკ-ს უნდა წარმოუდგინოს 31.2 მუხლით გათვალისწინებული დოკუმენტაცია და ანგარიშ-ფაქტურა (ინვოისი).

32.4. ანგარიშსწორება კონტრაქტორთან წარმოებს 31.2. მუხლში მითითებული დოკუმენტაციის სრულად წარმოდგენიდან 30 (ოცდაათი) კალენდარული დღის განმავლობაში.

32.5. კონტრაქტორთან ანგარიშსწორებისას, გადახდილი საავანსო თანხის მთლიანი მოცულობით გაქვითვამდე, კონტრაქტორისათვის გადასახდელი თანხიდან სნგკ გამოქვითავს ანგარიშგაქვითვაში და სამუშაოების დეტალურ ხარჯთაღრიცხვაში (ფორმა №2) მითითებული თანხის 20%-ს (ოცი პროცენტი).

33. კონტრაქტით გათვალისწინებული ანგარიშსწორების ვალუტა

33.1. კონტრაქტით გათვალისწინებული ყველა სახის ანგარიშსწორება რეზიდენტ ფიზიკურ თუ იურიდიულ პირთან ხორციელდება საქართველოს ეროვნულ ვალუტაში – ლარში.

34. კონტრაქტორის პასუხისმგებლობა

34.1. იმ შემთხვევაში, თუ კონტრაქტორი ვერ შეძლებს კონტრაქტით განსაზღვრული სამუშაოების მთლიანი მოცულობის შესრულებას და შესაბამისი მიღება-ჩაბარების აქტის გაფორმებას სნგკ-სთან სამუშაოების დასრულების თარიღის დადგომამდე, რაც წარმოადგენს კონტრაქტის პირობის არსებით დარღვევას, მაშინ კონტრაქტორი სნგკ-ს

გადაუხდის პირგასამტეხლოს დასრულების თარიღის შემდგომ ყოველი ვადაგადაცილებული დღისთვის კონტრაქტის ჯამური ღირებულების ნული მთელი ერთი მეათედი (0,1%) პროცენტის ოდენობით. სნგკ-ს უფლება აქვს მოახდინოს გადასახდელი პირგასამტეხლოს გამოქვითვა კონტრაქტორისთვის გადასახდელი თანხიდან.

34.2 სამუშაოების დაწყების დღიდან სამუშაოების საგარანტიო პერიოდის დასრულებამდე კონტრაქტორმა საკუთარი სახსრებითა და პასუხისმგებლობით უნდა გამოასწოროს ყველა ხარვეზები.

34.3. კონტრაქტორის მიერ კონტრაქტის პირობების დარღვევის შემთხვევაში სნგკ-ს 37.2 მუხლის შესაბამისად უფლება აქვს შეწყვიტოს კონტრაქტი და გამოიყენოს კონტრაქტორის მიერ წარმოდგენილი კონტრაქტის (ხელშეკრულების) უზრუნველყოფის საბანკო გარანტია.

35. სამუშაოს შესრულება

35.1. სამუშაოები დასრულებულად ჩაითვლება სამუშაოების მთლიანი მოცულობის მიღება-ჩაბარების აქტის გაფორმებისას.

36. ექსპლუატაციისა და ტექნიკური მომსახურების სახელმძღვანელოები

36.1. კონტრაქტორმა სამუშაოების მთლიანი მოცულობის მიღება-ჩაბარების აქტის გაფორმებამდე უნდა უზრუნველყოს სამშენებლო სამშემსრულებლო ნახაზების და სხვა სათანადო ტექნიკური დოკუმენტაციის წარდგენა სნგკ-ში.

36.2. იმ შემთხვევაში თუ კონტრაქტორი ვერ უზრუნველყოფს სამუშაოების მთლიანი მოცულობის მიღება-ჩაბარების აქტის გაფორმებამდე სამშენებლო სამშემსრულებლო ნახაზების და სხვა სათანადო ტექნიკური დოკუმენტაციის წარდგენას სნგკ-ში, ეს უკანასკნელი იტოვებს უფლებას შეაჩეროს სამუშაოების მთლიანი მოცულობის მიღება-ჩაბარების აქტის გაფორმება.

37. კონტრაქტის შეწყვეტის საფუძვლები

37.1. კონტრაქტორს უფლება აქვს შეწყვიტოს კონტრაქტი იმ შემთხვევაში თუ სნგკ არ ასრულებს წინამდებარე კონტრაქტით აღებულ ვალდებულებებს.

37.2. სნგკ-ს უფლება აქვს შეწყვიტოს კონტრაქტი იმ შემთხვევაში თუ კონტრაქტორი არ ასრულებს წინამდებარე კონტრაქტით აღებულ ვალდებულებებს, მათ შორის:

37.2.1. კონტრაქტორი ვერ ახერხებს მანქანა-დანადგარების და პერსონალის მობილიზაციას;

37.2.2. კონტრაქტორმა ვერ ან არ შეასრულა ხარვეზის გამოსწორების შეტყობინებაში დაფიქსირებულ მოთხოვნები.

37.2.3. კონტრაქტორის მხრიდან სამუშაოების წარმოება მიმდინარეობს საპროექტო დოკუმენტაციაში განსაზღვრული პირობების დარღვევით;

37.2.4. კონტრაქტორის მიერ გადასახდელი პირგასამტეხლოს ოდენობა გადააჭარბებს კონტრაქტის ღირებულების 5%-ს;

37.2.5. კონტრაქტორი ვერ უზრუნველყოფს კონტრაქტის (ხელშეკრულების) უზრუნველყოფის საბანკო გარანტიისათვის ვადის გაგრძელებას, რომლის მოქმედების ვადაც უნდა ემთხვეოდეს შესრულებული სამუშაოების საგარანტიო ვადას;

37.2.6. კონტრაქტორი ჩამორჩა დანართ 2-ში მოცემულ სამუშაოების წარმოების გეგმა-გრაფიკით დადგენილ სამუშაოთა შესრულების ვადებს;

37.3. სნგკ-ს და კონტრაქტორს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

37.4. კონტრაქტის გაწყვეტის შემთხვევაში კონტრაქტორი დაუფონებლივ წყვეტს სამუშაოებს, უზრუნველყოფს ობიექტის უსაფრთხოებას და კონტრაქტორსა და სნგკ-ს შორის შეთანხმებულ გონივრულ ვადებში ტოვებს ობიექტს.

38. კონტრაქტის (ხელშეკრულების) უზრუნველყოფის საბანკო გარანტია

38.1. კონტრაქტორის მიერ სნგკ-სთვის წარდგენილი 5%-იანი (ხუთი პროცენტი) კონტრაქტის (ხელშეკრულების) უზრუნველყოფის უპირობო და გამოუთხოვადი საბანკო გარანტია ძალაშია მისი გაცემის დღიდან და მოქმედებს კონტრაქტორის მიერ სამუშაოების დასრულების თარიღიდან 1 (ერთი) წლის განმავლობაში.

38.2. კონტრაქტის 38.1 პუნქტში აღნიშნული საბანკო გარანტია ითვალისწინებს ბანკის უპირობო ვალდებულებას საბანკო გარანტიის სრული ან მისი ნაწილი თანხის სნგკ-სათვის ანაზღაურებაზე.

38.3. კონტრაქტის შესრულების უზრუნველყოფის საბანკო გარანტიით განხორციელებული გადახდა არ ათავისუფლებს კონტრაქტორს კონტრაქტის შეუსრულებლობით სნგკ-თვის მიყენებული და საგარანტიო თანხით აუნაზღაურებელი ზიანის (ზარალის) ანაზღაურების ვალდებულებისაგან.

38.4. იმ შემთხვევაში თუ კონტრაქტორის მიერ ვერ ესწრება სამუშაოების სრული მოცულობის შესრულება სამუშაოების დასრულების თარიღამდე, კონტრაქტორი ვალდებულია სნგკ-ს წერილობითი მითითებიდან 5 კალენდარული დღის ვადაში კონტრაქტის (ხელშეკრულების) უზრუნველყოფის საბანკო გარანტიას გაუგრძელოს მოქმედების ვადა იმგვარად, რომ დაცული იყოს 38.1 პუნქტში მითითებული დროის პერიოდი.

39. ავანსის გადახდისათვის სნგკ-სათვის წარსადგენი საბანკო გარანტია

39.1. კონტრაქტორის მიერ სნგკ-სათვის საავანსო გადახდაზე წარდგენილი უპირობო და გამოუთხოვადი საბანკო გარანტია ძალაში უნდა იყოს 2011 წლის _____ ჩათვლით. საბანკო გარანტიაში ბენეფიციარად მითითებულ უნდა იქნას სნგკ (შპს “საქართველოს ნავთობისა და გაზის კორპორაცია”).

39.2. კონტრაქტის 39.1 პუნქტში აღნიშნული საბანკო გარანტია ითვალისწინებს ბანკის უპირობო ვალდებულებას საბანკო გარანტიის სრული ან მისი ნაწილი თანხის ანაზღაურებას.

39.3. სნგკ საავანსო საბანკო გარანტიას კონტრაქტორს უბრუნებს სამუშაოთა შესრულებისათვის გადასახდელი თანხებიდან ავანსის მთელი მოცულობით გაქვითვის შემდეგ 15 კალენდარული დღის განმავლობაში.

40. ფორს-მაჟორი

40.1. კონტრაქტის საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შეუსრულებლობის ან არასათანადოდ (ნაწილობრივ) შესრულების გამო, თუ ამის მიზეზი გახდა საგანგებო ხასიათის მქონე გადაულახავი ძალა, რომლის წარმოშობაზე კონტრაქტის მონაწილე მხარეები პასუხს არ აგებენ და რომლის არსებობის ან წარმოშობის შესახებ კონტრაქტის დადების მომენტში არ შეეძლოთ სცოდნოდათ.

40.2. გადაულახავ ძალად ჩაითვლება შემდეგი:

ა) სტიქიური უბედურებანი (ხანძარი, წყალდიდობა, მიწისძვრა), მათ შორის რთული მეტეოროლოგიური პირობები, რომელთა არსებობის პირობებში სამუშაოს წარმოება საფრთხეს შეუქმნის დასაქმებული მუშახელის სიცოცხლესა და ჯანმრთელობას, სამუშაოსათვის მობილიზებულ ტექნიკასა და მანქანა-დანადგარებს;

ბ) გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, ოკუპაცია, ანექსია, საგანგებო მდგომარეობის გამოცხადება სამშენებლო სამუშაოების წარმოების ტერიტორიაზე ან მის უშუალო სიახლოვეს;

გ) ეპიდემიები;

დ) ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება და ისეთი ნორმატიული აქტის გამოცემა, რომელიც ზემოქმედებს მხარეების მიერ კონტრაქტით ნაკისრი ვალდებულებების შესრულებაზე და ცვლის, აბათილებს ან აჩერებს კონტრაქტის დებულებებსა და პირობებს;

40.3. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა) და არაუგვიანეს მათი წარმოშობიდან მეორე კალენდარული დღისა წარმომადგენლობაზე უფლებამოსილი პირის მიერ ხელმოწერილი წერილით.

40.4. ფორს-მაჟორული გარემოებების არსებობა ავტომატურად არ იწვევს კონტრაქტის გაუქმებას. მხარეები ვალდებული არიან განსაზღვრონ წინამდებარე კონტრაქტის ფორს-მაჟორულ მოვლენებთან მისადაგების საკითხი.

40.5. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ კონტრაქტით ნაკისრი ვალდებულებების შესრულებას.

40.6. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა თუ მხარეთა შორის არ იქნა მიღწეული სხვაგვარი შეთანხმება.

41. კონტრაქტის მოქმედების ვადა

41.1. კონტრაქტი ძალაში შედის ხელმოწერისთანავე და მოქმედებს კონტრაქტის მხარეების მიერ ამ კონტრაქტით ნაკისრი ვალდებულებების სრულ შესრულებამდე.

6. დანართი №1 - რეკვიზიტების ფორმა

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი:

ხელმოწერა, ბეჭედი ----- თარიღი -----

7. დანართი №2. სატენდერო წინადადება (ხარჯთაღრიცხვა)

პრეტენდენტის დასახელება _____

(ხარჯთაღრიცხვა უნდა იყოს შედგენილი ტექნიკური დავალების საფუძველზე, მოქმედი ნორმების შესაბამისად.)

შეთავაზება (ფასი): _____ ლარი.

(ფასი უნდა იყოს დღგ-ს გათვალისწინებით)

ხელმოწერა _____

ბ.ა.

8. დანართი #3 - ხელშეკრულების უზრუნველყოფის საბანკო გარანტია

საბანკო გარანტია

ვის:

(შემსყიდველის დასახელება)

მხედველობაში ვიღებთ რა, რომ

(მიმწოდებლის დასახელება)

შემდგომში „მიმწოდებელმა“ _____ ტენდერში წარდგენილი თავისი
(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია
მასზე დაკისრებული ვალდებულებების შესრულების გარანტიის სახით ხელშეკრულებაში
მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული
გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე
მიმწოდებლის სახელით საერთო თანხაზე:

(თანხა ციფრობრივად, სიტყვიერად, ვალუტის მითითებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების
პირობების დარღვევის საფუძველზე თქვენი პირველივე მოთხოვნისთანავე.
წინამდებარე გარანტია ძალაშია _____

გარანტების ხელმოწერა და ბეჭედი

(თარიღი)

(მისამართი)